






通典卷第百九十二

之法積書

積德名家

西戎四



焉耆

于闐

踈勒

烏孫

姑墨

温宿

烏秣

難兜

大宛

莎車

罽賓

烏弋山離

條支

安息

大夏

大月氏

小月氏

焉耆

焉耆漢時通焉王理負渠城負于君反在白山之南七十里去長

安七千三百里戶四千西南至都護理所四百里南去尉犁
 百里北與烏孫接東去交河城郡今九百里西去龜茲九百里
 皆沙磧其國近海水多魚鹽蒲葦之利四面有大山道險阨
 易守海水曲入四山之內周匝其城三十餘里後漢明帝永
 平末有戶萬五千與龜茲共攻沒都護陳睦至和帝元光六
 年都護班超發諸國兵討之殺其王超乃立焉耆佐侯元孟
 為王至安帝時西域背叛延光中超子勇為西域長史復討
 定之晉武帝太康中其王龍安遣子入侍安夫人檜胡之女
檜古妊身十二月剖脇生子曰會立為世子會少而勇傑安
 病篤謂會曰我嘗為龜茲王白山所辱汝能雪之乃吾子也

及會立襲滅白山遂據其國遣子熙歸本國為王會有膽氣
 籌略遂霸西域葱嶺以東莫不率服其俗丈夫剪髮婦人衣
 襦著大袴婚姻同華夏兵有弓刀甲稍死亡者皆焚而後葬
 其服制滿七日則除之俗事天神氣候寒土曰良沃穀有稻
 粟菽麥畜有駝馬牛羊養蠶不以為絲唯取綿纈俗尚蒲萄
 酒兼愛音樂其後張駿遣沙州刺史楊宣率眾疆理西域宣
 以部將張植為前鋒軍次其國進屯鐵門未至十餘里熙又
 率眾先要之於遮留谷植將至或曰漢祖畏於柏人岑彭死
 於彭亡谷為遮留殆將有伏單騎嘗之果有伏發植擊敗之
 進據尉犁熙降于宣呂光僭位熙遣子入侍至魏遣成周公

萬度歸討之其王鳩尸卑那衆大潰單騎走入山中度歸進屠其城四部諸戎皆降服焉耆爲國斗絕一隅不亂日久獲其珍奇異玩殊方詭譎難名之物橐駝馬牛雜畜巨萬至後周武帝保定四年其王遣使獻名馬隋煬帝大業中其王龍突騎遣使貢方物○大唐貞觀六年正月又遣使貢方物今其王龍姓卽突騎之後盡并有漢時尉犁危須山國三國之地并鄯善之北界矣

于闐

于闐漢時通焉都葱嶺之北二百餘里去長安九千七百里戶三萬二千東北至都護理所三千九百里南與婁耆接北

與姑墨接東北去龜茲千四百里東去鄯善千五百里西通

皮山國四百里去東朱俱波國千里西北至踈勒國十五百

里其國之西水皆西流注西海其東水東流注鹽澤卽蒲昌國

有阿耨達山據漢書河源出焉名首拔河亦名樹拔河或云卽黃河也北海七百里入計

成水一名計首水卽葱嶺南河同入鹽澤或云阿耨達卽崑崙山耨內屋反風俗物產與龜茲略

同後漢建武末莎車王賢強盛攻并于闐徙其主俞林爲驪

歸王以莎車將軍居德爲于闐王明帝永平中居德死後于

闐將休莫霸自立爲王休莫霸死兄子廣德立後遂滅莎車

其國轉強盛從精絕西北至踈勒十三國皆服從而鄯善王

亦始強焉自是南道自葱嶺以東唯此二國爲大後漢魏後

魏梁後周隋大唐貞觀中並遣使通焉今王姓尉遲國西五百里有比摩寺俗云是老子化胡成佛之所初老子至此白日昇天與群胡辭訣言我暫遊天上尋當下生其後出天竺國化為佛因立此寺焉胡王太子自稱曰其王錦帽金裝冠妻載金花其王髮不令

人見俗云若見髮年必儉其地多水潦砂石氣候温土良沃

宜稻麥多蒲萄有水出名曰玉河國人善鑄銅器其居曰西

山城有屋室市井畝蔬與中國同蘇力王所居加以朱畫其

人恭相見則跪其跪一膝至地書則以木為筆札以玉為印

國人得書先戴於首而後開封自高昌以西諸國人多深目

高鼻唯此一國貌不甚胡頗類華夏自漢孝武至今中國詔

令書冊符節悉得傳以相付敬而存焉今并有漢戎盧杆彌

渠勒皮山精絕五國之地

踈勒

踈勒漢時通焉王理踈勒城去長安九千三百里戶千五百

都白山南百餘里東至都尉理所二千二百里南有河西帶

葱嶺亦名雪山在國西北百餘里河所出東去龜茲千五百

里西去撥汗國撥汗一名判汗千里當大月氏大宛康居道南去莎

車五六百里去朱俱波八九百里隋史云東北去突厥牙帳千餘里東南去瓜州四千

六百在于闐國北千五百里土多稻粟蔗麥銅鐵綿錦雌黃

後漢明帝永平中龜茲王建攻殺踈勒王成自以龜茲左候

兜題為踈勒王漢遣班超劫縛兜題而立成之兄子忠為踈

勒王忠後叛反超擊斬之耿恭為戊巳校尉屯車師後黃金
 滿城為匈奴所攻恭引眾入踈勒城中乏水穿井十五丈不
 得水恭整衣服向井拜拔刀刺山飛泉涌出賊遂退安帝元
 初中踈勒王安國死舅臣盤立為王漸以強盛戶至二萬一
 千順帝永建二年遣使奉獻至靈帝建寧初為季父和得所
 殺自立為王其後連相殺害漢不能復禁至後魏孝文末貢
 獻隋煬帝大業中又通焉其王手足皆六指產子非六則不
 育王戴金師子冠○唐貞觀中朝貢今其國王姓裴并有漢
 時莎車損毒休循三國之地侍子常在京師杜環經行記云
 邏斯南千里東隔山去踈勒二千餘里西去本國千餘里城
 有數十兵有數萬大唐天寶十年嫁和義公主於此國中有

皮羅林林下有毬場又有野鼠過其谷偏宜蒲萄其醃羅果
 香棗桃李從此國至西海盡居至室衣羊皮疊布男子婦人
 皆着鞞婦人不飾鉛粉以
 青黛塗眼而已穠音詰

烏孫

烏孫漢時通焉大昆彌理赤谷城烏孫於西域諸戎其形最
 狀類獼猴者本其種也其
 國謂王曰昆彌亦曰昆莫去長安八千九百里戶十三萬東

至都護理所千七百里西至康居蕃內地五千里地奔平多
 雨寒山多松楠其心似松
 音武元反不田作種樹也樹殖隨育畜逐水草

與匈奴同俗國多馬富人至四五千疋東與匈奴西北與康
 居西與大宛南與城障諸國接本塞地也大月氏西破走塞

王塞王南越懸度大月氏居其地後烏孫昆莫擊破大月氏

大月氏徙西臣大夏而烏孫昆莫居之昆莫昆彌皆王號也
故烏孫國有塞種大月氏種焉始張騫言烏孫本與大月氏
共在燉煌間今烏孫强大可厚賂招令東居故地妻以公主
以制匈奴武帝卽位今騫齎金幣往昆莫於是使獻馬願尚
公主元封中遣江都王建女細君爲公主以妻焉公主別理
宮室而居歲時一再與昆莫會置酒飲食昆莫年老語言不
通公主悲愁自作歌以述意天子聞而憐之昆莫死孫岑陼
立岑陼者官號也名軍須靡公主死漢復以楚王代之孫解
憂爲公主妻之岑陼死季父于翁歸靡立號曰肥王復尚解
憂公主宣帝初公主及昆彌翁歸靡上書言匈奴連歲侵擊

欲發國半精兵自給人馬五萬騎盡力擊匈奴唯天子出兵

以救本始三年漢發十五萬騎五將軍分道並出遣校尉常

惠持節護烏孫兵昆彌將五萬騎從西方入至匈奴右谷蠡

王庭谷音鹿
蠡音黎獲四萬級馬牛羊驢橐駝七十餘萬宣帝時都

護鄭吉請分烏孫爲大昆彌後改會宗爲都護時烏孫兵圍

驛騎上書願發城郭燉煌兵以自救丞相王商大將軍王鳳

及百寮議數日不決上召陳湯問對曰臣以爲此必無可憂

夫胡兵五而當漢兵一何者兵刃朴鈍弓弩不利今聞頗得

漢工然猶三而當一又兵法曰客倍而主人半然後料敵今

烏孫人衆不足以勝會宗惟陛下勿憂且兵輕行五十里重

行三十里今會宗發城郭燉煌歷時而至所謂報讎之兵非
 救急之用也烏合不能久攻不過五日當有吉語聞居四日
 軍書至言已解會宗招還亡畔安定歸靡死烏孫貴人共立
 岑陬子泥靡代為昆彌號狂王復尚解憂生一男鴟靡王不
 與主和又暴惡失衆漢使衛司魏和意副候任昌送子侍公
 主言狂王為烏孫所患苦易誅也遂謀置酒會罷使士拔劍
 旁下狂王傷上馬馳去其子細沈瘦會兵圍和意昌及公主
 於赤谷城數月城中困急都護鄭吉發諸國兵救之乃解去
 初肥王翁歸靡胡婦子烏就屠狂王傷時驚與諸翎翁音侯俱
 去君北中楊毋家匈奴兵來故衆歸之後遂襲殺王自為昆

彌宣帝詔立肥王之子元貴彌為大昆彌烏就屠為小昆彌
 元貴靡後孫雌栗彌立國亂段會宗立其季父伊秩靡為大
 昆彌哀帝元壽二年伊秩靡與匈奴單于烏珠留名橐如牙斯呼韓耶之子
 並入朝漢以為榮自烏孫分立兩昆彌後漢用憂勞且無寧
 戚言或鎮撫或威制之故多事其後無聞至後魏時亦朝貢其國數為蠕
 蠕所侵西徙葱嶺

姑墨

姑墨漢時通焉王理南城去長安八千一百里戶三千五百
 東至都護理所千里南至于闐馬行十五日北界接烏孫出
 銅鐵雌黃東通龜茲六百里王莽時其王承殺温宿王并其

國至後魏時役屬龜茲

温宿

温宿漢時通焉王理温宿城今京兆府醴泉縣北有山温宿嶺者本因漢時温宿國人令

居此因守牧因名也去長安八千三百餘里戶二千二百東至都護理

所二千三百餘里西至尉頭三百里北至烏孫赤谷六百餘

里土地物類所有與鄯善諸國同通姑墨東二百餘里至後

魏時亦役屬龜茲

烏秣

烏秣上除加反下直加反漢時通焉王理烏秣城去長安萬里戶五百

東北至都護理所四千九百北與于合蒲黎西與難兜接山

居田石間有白草累石為室人接手自高山下溪澗中飲水故接連其手如猿飲

出小步馬小細也細步言其能蹠足所謂百步千跡有驢無牛西有懸度山石溪谷不通

以繩索相引而度去陽關五千九百里去都護理所五千里其國後

魏又通謂之於摩國

難兜

難兜漢時通焉去長安萬二百里戶五千東北至都護理所

二千八百里西南至剽賓二百里南與婁羌北與休屠西與

大月氏接種五穀蒲萄果有銀鐵銅作兵與諸國同屬剽賓

大宛

大宛漢時通焉王理費王山城去長安萬二千五百里戶萬

東至都護理所四千里北至康居于闐城千五百里西南至大月氏七百里北與康居南與大月氏接土地風氣物類人俗與大月氏安息同大宛左右以蒲萄爲酒富人藏酒至萬餘石久者至數十年不敗人嗜酒馬嗜苜蓿多善馬汗血其言先天馬子大宛國中有高山其上有馬不可得因取五色母馬置其下與集生駒皆汗血因號爲天馬子始張騫爲武帝言之帝遣使者持金及金馬以請宛善馬宛主以漢絕遠大兵不能至遂殺漢使於是太初元年拜李廣利爲貳師將軍期至貳師取善馬率數萬人至其境攻郁城不下引還往來二歲至燉煌士卒存者十不過一二帝怒其不尅使遮王門不許入貳師因留屯燉煌又遣貳師率六萬人負私從者不與焉牛十萬馬三萬匹橐駝萬數天下騷然益發戍甲卒十八萬置居延休屠今武威張掖郡界以衛酒泉貳師至宛宛人斬王無寡首獻焉漢軍取其善馬數十疋中馬以下牝牡三千疋而立宛貴人昧蔡爲王約歲獻馬二疋遂採蒲萄苜蓿種而歸貳師再行往返凡四歲自宛以西至安息雖頗異言然大同自相曉知也其人皆深目多髭鬚善賈其俗貴女人女子所言丈夫乃決正其地無絲漆不知鑄器及漢使亡卒降教鑄作兵器漢使至其國及亡卒降其國者皆教後漢明帝時宛又獻汗血馬至後魏文成帝和平六年孝文太和三年並遣使獻馬隋時蘇對沙那國卽漢大宛也宋膺異物志大宛馬有肉角數寸或

人負私從者不與焉牛十萬馬三萬匹橐駝萬數天下騷然益發戍甲卒十八萬置居延休屠今武威張掖郡界以衛酒泉貳師至宛宛人斬王無寡首獻焉漢軍取其善馬數十疋中馬以下牝牡三千疋而立宛貴人昧蔡爲王約歲獻馬二疋遂採蒲萄苜蓿種而歸貳師再行往返凡四歲自宛以西至安息雖頗異言然大同自相曉知也其人皆深目多髭鬚善賈其俗貴女人女子所言丈夫乃決正其地無絲漆不知鑄器及漢使亡卒降教鑄作兵器漢使至其國及亡卒降其國者皆教後漢明帝時宛又獻汗血馬至後魏文成帝和平六年孝文太和三年並遣使獻馬隋時蘇對沙那國卽漢大宛也宋膺異物志大宛馬有肉角數寸或

有解人語及知音舞與鼓節相應者隋西域圖記云其馬騮馬烏馬多赤耳黃馬赤馬多黑耳唯耳色別自餘毛色與常馬不異又云王姓蘇邑匿字底失槃陀積代承襲不絕案今王即底失槃陀之後也

莎車

莎車漢時通焉理莎車城去長安九千九百里戶二千三百東北至都護理所四千七百里西去踈勒五百里西南至蒲黎七百里有鐵山出青玉宣帝時莎車王呼屠微殺漢使者約諸國叛漢會衛侯馮奉世使大宛以便宜發諸國兵擊殺之傳其首詣長安諸國悉平威振西域奉世至大宛聞其斬莎車王敬之異於他使得其名馬象龍而還馬形似龍帝甚悅下議封奉世少府蕭望之以奉世擅制發諸國兵雖有功效

不可以為後法即封奉世關內侯後奉使者利以奉世為地爭遂發兵要功萬里之外為國家生事於夷狄漸不可長不宜受封帝善其議以奉世為光祿大夫元帝時奉世死後二年西域都護甘延壽以誅鄯音支單于封為列侯於是杜欽上疏追訟奉世前功曰前莎車王殺漢使者約諸國背判而奉世以便宜發兵誅莎車王冊定城郭功施邊境議者以奉世奉使有指春秋之義亡遂事漢家之法有矯制故不得侯今匈奴鄯支單于殺漢使者亡保康居都護延壽發城郭兵屯田吏士四萬餘人以誅斬之封為列侯臣愚以為比罪則鄯支薄量敵則莎車衆用師則奉世寡制勝則奉世多於邊

境居安慮危則延壽為禍於國家深其違命而擅生事同延壽則割地封而奉世獨不錄臣聞功同賞異則勞臣疑願下

有司議帝以先帝時不復錄後漢荀悅論曰成其功義足封追錄前事可也春秋之義毀泉

臺則惡之舍中軍則善之各由其宜也夫矯制之事先王之所慎也不得已而行之若矯大而功小有罰可也矯小而功大有賞可也功過相敵如斯而已大可也權其輕重而為制宜至王莽時亂匈奴略有西域

唯莎車不附屬後漢光武建武五年河西大將軍竇融乃承

制立其王康為漢莎車王建初德王西域太尉五十五國皆

屬焉康死弟賢代立賢攻破拘彌西夜國皆殺其王而立其

兄康兩子為拘彌西夜王於是西域始通葱嶺以東諸國皆

屬賢諸國號賢為單于賢後攻殺龜茲王遂兼其國焉塞王

自以國遠遂殺賢使賢擊滅之立其國貴人四韃為塞王

言反塞賢又自立其子則羅為龜茲王其烏壘大宛于闐姑

蘇得反反下同墨子合等國悉被賢改易其王莎車相且運等且子余患賢

驕暴密謀反城降于闐反音于闐王唐德乃將諸國兵三萬

人攻莎車賢乃輕騎出廣德遂執賢殺之匈奴聞廣德滅莎

車遣兵將賢質子不居微立為莎車王章帝時長史班超發

諸國兵擊破之由是遂降漢班超論曰孝武之代圖利匈奴

患其兼從西國結黨南羗乃表河西列四郡開玉門通西域

以斷匈奴右臂隔絕南羗月氏單于失援自是遠遁而幕南

無王庭因文景玄默養人五代天下殷富財力有餘士馬強

盛故能睹犀布瑇瑁則建珠崖七部感菑音矩醬竹枝則開狝
犴越窳聞天馬蒲萄則通大宛自是之後萬里相奉師旅之
費不可勝計至於用度不足乃摧酒酤筦鹽鐵白金皮幣筭
至車船租及六畜人力屈財竭屈音其物反因之以凶年群盜並
起至於末年遂棄輪臺之地而下哀痛之詔豈非聖人之所
悔哉且西域近有龍堆遠則葱嶺身執頭痛懸度之阨淮南
杜欽楊雄之論皆以為此天地所以界別區域絕外內也書
云西戎財序禹貢之辭序次也禹就而序之非甘王威服致其貢物也
西域諸國各有君長兵衆分弱無所統一雖屬匈奴不相親
附匈奴能得其馬畜旃罽而不能統率與之進退與漢隔絕

道里又遠得之不為益棄之不為損盛德在我無取於彼故
自建武以來西域思漢盛德咸樂內屬唯其小邑鄯善車師
界迫匈奴尚為所拘而其大國莎車于闐之屬數遣使置質
願請都護聖人遠鑑古今因時之宜羈縻不絕辭而未許雖
大禹之序西戎周公之讓白雉太宗之却是馬義兼之矣亦
何以尚茲

蜀賓

蜀賓在懸度山西漢時通焉王理脩鮮城去長安萬二千二
百里不屬都護戶口勝兵多大國也東北至都護理所六千
八百里東至烏秣國二千二百里東北至難兜國九日行西

北與大月氏西南與烏弋山離接昔匈奴破大月氏大月氏

西居大夏塞王居剽賓塞種分散往往為數國自踈勒以西

北休屠損毒之屬皆故塞種也顏師古曰剽賓平地溫和有

首宿雜草奇木檀櫟梓竹漆櫟音懷槐之類葉大而黑種五穀蒲萄諸果

糞理園田地下濕生稻冬食生菜其民巧雕文刻鏤理宮室

織剝刺文繡好理食有金銀銅錫以為器市列市有肆如中國金銀

為錢文為騎馬幕為人面錢文面作騎馬形漫面作人面目也今所呼幕皮謂其平而無文也

出犂牛象大狗沐猴孔雀犂牛項上高起大狗如驢赤色珠璣珊瑚琥魄璧

琉璃琉璃青色如玉魏略大秦國出赤白黑黃青綠縹紺紅紫十種琉璃孟康言青色不博通也此自然之物彩澤光潤踰於衆玉其色不常今俗所用皆銷冶石他畜與諸國

同自漢武帝以絕遠兵不至雖遣使貢獻屢殺漢使至成帝

時又遣使者奉獻漢欲遣使者報送其使杜欽說大將軍王

鳳曰凡中國所以為通厚蠻夷夷快其求者為壤北而為寇也

比近也為其土壤接近今懸度之阨非剽賓所能越也其

響慕不足以安西域雖不附不能危城障城障總謂西域諸國也今遣

使皆行賈賤人欲通貨市買以朝獻為名故煩使者送至懸

度恐其失實見欺遣使送客者欲防護寇害也起皮山南更

不漢屬之國四五言經略不屬漢者凡四五國斥候士百餘人五分夜擊

刀斗自守尚時為所侵盜驢畜負糧須諸國廩食得以自贍

國或貧小不能食或桀黠不肯給擁強漢之節餒山谷之間

離一二旬則人畜棄損曠野而不反又歷大小頭痛之山赤
土身熱之阪令人身熱無色頭痛嘔吐驢畜盡然又有三池
盤石阪道陜者尺六七寸長者徑三十里臨崢嶸不測之深
行者騎步持繩索以相引二十餘里乃到懸度險阻危阨不
可勝言聖王分九州制五服務盛內不求外今遣使者承至
尊之命送蠻夷之賈勞吏士之衆涉危難之路罷弊所恃以
事無用非久長計也於是鳳白從欽言剽賓實利賞賜賈市
其使數年而一至自後無聞至後魏始通之都善見城至隋
時謂之漕國在葱嶺之西南隋史曰卽漢時剽賓國其王姓昭武康國
之宗族勝兵萬餘人國法嚴整殺及賊盜皆死其俗淫祀

葱嶺山有順天神者儀制極尊

屋以銀爲地祠前一

魚脊骨其孔中通馬騎出入國王金牛頭冠坐金馬座上
多稻粟豆麥饒象馬犂牛金銀鐵器始盧反朱沙青黛
安息青木等香石蜜黑鹽阿魏沒藥白附子北去帆延七百
里東去劫國六百里東去瓜州六千六百里大業中遣使貢
物大唐貞觀十一年其國遣使又號剽賓獻俱物頭花丹紫
相間其香遠聞

烏弋山離

烏弋山離漢時通焉去長安萬二千二百里不屬都護戶口
多大國也東北至都護理所六十日行東與剽賓北與撲桃

西與犁鞞條支接犁鞞即大秦也犁讀與驪同鞞音巨連反行可百餘日乃到條

支魏時其國名排持

條支

條支漢時通焉去陽關二萬二千一百里在葱嶺之西城在山之上周迴四十餘里臨西海水曲環其南及東北三面路絕唯西北隅通陸道土地暑熱下濕田宜稻出犍牛孔雀有大鳥卵如甕人衆甚多往往有小君長安息役屬之以爲外國

安息以條支爲外國如言蕃國善眩其草木畜產五穀果菜食飲宮室布

列錢貨兵器金珠之屬皆與剌賓同而有桃拔師子犀牛

一名符拔似鹿長毛一角者或爲天鹿兩角者或爲辟拔師子以大虫正黃背脊形尾端茸毛大如斗爾雅亦謂之後倪

拔音步葛拔形亦頰傍毛也髯而占反形音端其錢獨文爲人幕爲騎馬絕遠漢使

希至自玉門陽關出南道歷鄯善而南行烏弋山南道極矣

轉北而東復馬行六十餘日至安息後和帝永元中班超遣

掾甘英使大秦抵條支臨大海欲渡而安息西界船人謂英

曰海水廣大往來者逢善風三月乃得渡若遇惡風雨亦有

三歲者英聞而止

安息

安息國漢時通焉王理番兜城番音盤去長安萬一千六百里

在葱嶺之西大宛之西可數千里不屬都護北與康居東與

烏弋山離西與條支接土地風氣物類人俗與烏弋剌賓同

亦以銀為錢文獨為王面幕為夫人面王死輒更鑄錢有大

馬大爵大爵頭如鷹身蹄似素駝色蒼舉頭高八九尺張翹大餘食大麥地方數千里取大

諸國地臨媯水今謂烏商賈車船行旁國畫革旁行為書記

今西方胡書皆橫行不直下革謂皮不柔者武帝始遣使至安息其王令騎迎於

東界木鹿城號為小安息去王都數千里行北過數十城人

戶相屬屬連也因發使隨漢使以太鳥及卵犁靽眩人獻至後

漢章帝時理和犢城遣使獻師子符拔符拔形似麟而無角

自安息西行三千四百里至阿蠻國從阿蠻西行三千六百

里至斯賓國從斯賓南行渡河又西至于羅國九百六十里

安息西界極矣自此南乘海乃逼大秦其土多海西珍奇異

物至後周武帝天和二年其王理蔚搜城遣使貢獻至隋大

業五年安息國遣使朝貢隋史云即漢時安息國王姓昭武與康國王

同族都在那密水南城有五重環流水宮殿皆為平頭王坐

金駝座高七尺風俗同於康國唯妻及姊妹及母子遮相禽

獸此為異也

大夏

大夏漢時通焉在大宛西南二千餘里媯水南其俗土著有

城屋與大宛同俗去漢萬二千里居漢西南本無大君長城

邑往往置小君長其兵弱畏戰善賈市及大月氏西徙敗攻

之皆臣畜共稟漢使者同受節度大夏人多可萬餘有市販

賈諸物其東南接身毒國皆屬大月氏

大月氏

大月氏漢時通焉理藍市城在大宛西可二千里居媯水北其南則大夏西接安息四十九日行北則康居去長安萬一千六百里不屬都護戶十萬東去長史所居六千五百里土地氣候物類風俗錢貨與安息同出封駝春上高起其國本行國也隨畜移徙與匈奴同俗控弦十餘萬故恃強輕匈奴本居燉煌祁連間祁連在今張掖郡之西北至冒頓單于攻月氏而老上單于殺月氏王以其頭為飲器乃遠去過大宛西擊大夏而臣之都媯水北為王庭其餘小眾不能去者保南山羗號小月

氏於大夏分其國五部翎侯古翕字後百餘歲貢霜翎翕字侯兵就

却攻滅四翎侯自立為王因號貴霜王又滅僕達剌賓悉有

其國復滅天竺月氏自此之後最為富盛至後魏代北與蠕

蠕接數為所侵遂西徙都薄羅城去弗敵沙二千一百里弗敵

沙在藍氏城東後其王寄多羅勇武遂興師越大山南侵北天竺自

乾陀羅以北五國盡役屬之國人乘四輪車或四牛六牛八

牛輓之在車大小而已後魏太武時其國人商販到京師自

云能鑄石為五色琉璃於是採礦山中於京師鑄之既成光

澤美於西方來者乃詔為行殿容百餘人光色映澈觀者驚

以為神明所作自此琉璃遂賤人不復珍之女中記馬腦出大月氏又有牛

名爲日及今日取其肉明日瘡愈宋鷹異物志云月氏國有羊尾重十斤割之供食尋生如故者

小月氏

小月氏理富樓沙城其王本大月氏王寄多羅子也寄多羅爲蠕蠕所逐西徙後令其子守此城因號小月氏焉在波路西南後魏史云去漢萬六千六百里先居西平張掖之間並今郡被服頗與羗同其俗以金銀錢爲貨隨畜牧移徙亦類北狄

通典卷第一百九十二

通典卷第一百九十三

邊防九

西戎五

康居

曹國

何國

史國

奄蔡

滑國

噉噉

挹怛

天竺

車離

師子

高附

大秦

小人

軒渠

三童

澤散

驢分

堅昆

呼得

丁令

短人

波斯

悅般

伏盧尼

朱俱波

渴槃陁

粟弋

阿鈎羗 副貨 疊伏羅 賒彌

石國 女國 吐火羅 劫國

陶羅伊羅 越底延 大食

康居

康居漢時通焉在大宛西北可二千里與粟弋伊隣接王理
樂越匿地卑闐城亦居蘇雍城去長安萬二千三百里不屬
都護戶十二萬東至都護里所五千五百里與大月氏同俗
地和暖饒桐柳蒲萄多牛羊出好馬車羈事匈奴宣帝時郅
支單于殺漢使者西阻康居依其險阻自保固其後甘延壽陳湯誅
滅郅支單于至成帝時康居遣子侍漢貢獻然自以絕遠獨

驕慢都護郭舜數上言康居驕黠本遣子入侍此其欲賈市

為好辭之詐也宜歸其侍子絕勿復使不通使於其國燉煌酒泉小

郡及南道八國給使者往來人馬驢橐駝食皆苦乏空罷耗

所過送迎驕黠絕遠之國非至計也漢為其新通重置遠人

以此聲終羈縻而未絕自後無聞或名號變易或遷徙吞并

非所詳也至晉武帝太始中其王那鼻遣使獻善馬至後魏

太武大延中遣使朝貢其國又稱者舌後魏史云即漢康居國也至隋時

謂之康國大業中遣使朝貢其王姓溫月氏人也隋史云即漢康居之

後自漢以來相承不絕舊居祁連山昭武城自被匈奴所破西踰葱嶺

遂有此國枝庶各分王故康國左右諸國采國史國曹國何

國安國小安國那色波國烏那曷國穆國凡九國皆其種類
並以昭武爲姓示不忘本也康國都於薩寶水上阿祿迪城
王索髮冠七寶金花綾羅錦繡白疊其妻有髻幪以帛巾丈
夫翦髮錦袍名爲強國西域諸國多歸之人皆深目高鼻多
鬚髯善於商賈諸夷多湊其國有大小鼓琵琶五絃箜篌笛
婚姻喪制與突厥同俗奉佛爲胡書氣候溫宜五穀勤修園
蔬樹木滋茂出馬駝騾犏牛黃金碯砂甘松香阿薩那香琵琶
瑟麀皮氍毹錦疊多蒲萄酒富家或置千石連年不敗常節
西蕃記云康國人並善賈男年五歲則令與書少解則遣學
賈以得利多爲善其人好音聲以六月一日爲歲首至此日

王及人庶並服新衣翦髮鬚在國城東林下七日馬射至欲
罷日置一金錢於帖上射中者則得一日爲王俗事天神崇
敬甚重云神兒七月死失骸骨事神之人每至其月俱著黑
疊衣徒跣撫胷號哭涕淚交流丈夫婦女三五百人散在草
野求天兒骸骨七日便止國城外別有二百餘戶專知喪事
別築一院院內養狗每有人死卽往取屍置此院內令狗食
之肉盡收骸骨埋殯無棺槨大唐貞觀二十一年其國獻黃
桃大如鵝卵其色如金亦呼爲金桃杜環經行記云康國在
米國西南三百餘里一
名薩朱建土沃人富國小有神
祠名拔諸國事者本出於此

曹國

曹國隋時都那密水南數里舊是康居之地國無主康國王
令子烏建領之勝兵千餘人國中有得悉神自西海以東諸
國並敬事之其神有金人破羅闊丈五尺高下相稱每月以
駝五頭馬十疋羊百口祭之常有千人食之不盡東南去康
國百里西去何國百五十里東去瓜州六千六百里大業中
遣使來貢

何國

何國隋時亦都那密水南數里亦舊康居地也其王姓昭武
亦康國之族類國城樓北壁畫華夏天子西壁則畫波斯拂
菻力甚諸國王東壁則畫突厥婆羅門諸國王勝兵千人其

王坐金羊座風俗與康國同東去曹國百五十里西去小葉
國三百里東去瓜州六千七百五十里大業中及大唐武德
貞觀中皆遣使來貢

史國

史國隋時都獨莫水南十里亦舊康居之地也其王姓昭武
亦康國王之枝庶也勝兵千餘人俗同康國北去康國二百
三十里南去吐火羅五百里西去那色波國二百里東北去
米國二百里東去瓜州六千里大業中始通中國後漸強盛
乃創建乞史城為數十里郭邑二萬家大唐貞觀中遣使來
貢自曹國何國史國皆在漢之康居故地遂便附之

奄蔡

奄蔡漢時通焉西與大秦東南二千里與康居接去陽關八千餘里控弦十餘萬與康居同俗而屬康居士氣溫和臨大澤無涯岸多積松白草及貂畜牧逐水草蓋近北海至後漢改名阿蘭那國後魏時曰粟特國一名溫那沙後漢史云初而有其國至文成帝初遣使朝貢其王忽倪已三代矣周武帝時亦遣使來貢

滑國

滑國車師之別種也後漢順帝末建初八滑從班勇擊北虜有功漢以八滑為後部親漢侯自魏晉以來不通中國至梁武帝普通初其王厭帶夷粟阇始遣使獻貢其師子白貂裘

波斯錦等物後魏之居桑乾也滑猶小國屬蠕蠕後稍强大征其旁國波斯渴槃剌賓龜茲踈勒姑墨于闐等國焉其獸有獅子兩脚駝野驢有角人皆善騎射著小袖長袍用金玉為帶女人披裘頭上刻木為角長六寸以金銀飾之兄弟共妻無城甍屋為居東向開戶其王坐金牀隨太歲轉無文字以木為契與旁國通使國中為胡書羊皮為紙無職官事天神火神每日則出戶祀神而後食跪一拜而止死以木為椁父母死其子截一耳葬訖即吉其言語待譯然後通至後魏時謂之滑匱

嚙噠國

嚙噠國或云高車之別種或云大月氏之別種類其源出於塞北自金山至後魏文帝時已八九十年矣于闐之西東去長安一萬一千里衣服類胡加以纓絡頭皆剪髮其語與蠕蠕高車及諸胡不同部衆可十萬依隨水草其國無車有輿多駝馬用刑嚴急盜無多少皆斃斬盜一責十死者富家累石爲藏貧者掘地而埋隨身諸物皆置塚內又兄弟共娶一妻無兄弟者其妻戴一角帽若有兄弟者依其多少之數更加帽角焉西域康居于闐沙勒安息及諸小國三十餘所皆役屬之號爲大國每遣使朝貢孝明帝熙平中遣伏子統宋雲使西域所經諸國不能知其本末及山川里數今舉其略

云

挹怛同

挹怛同至隋時又謂挹怛國焉挹怛國都烏訥水南二百餘里大月氏之種類也勝兵五六萬人俗善戰先時國亂突厥遣通設字語強領其國俗同吐火羅南去曹國千五百里東去瓜州六千五百里大業中遣使來貢按劉璠梁典滑國姓嚙噠後裔以姓爲國號轉訛又謂之挹怛焉其本源或云車師之種或云高車之種或云大月氏之種又韋節西蕃記云親問其國人並自稱挹闐又按漢書陳湯征到支康居賦王挹闐抄其後重此或康居之種類然傳自遠國夷語訛舛年代綿邈莫知根實不可得而辨也今考其風俗物產及諸家所說而編之

天竺

天竺後漢通焉即漢時身毒國

初張騫使大夏見印竹杖蜀布問曰安得此大夏國人曰

吾賈人往身毒國市之即天竺也或云摩伽陀或云婆羅門在葱嶺之南去月氏東南數千里地方三萬餘里其中分爲

五天竺一曰中天竺二曰東天竺三曰南天竺四曰西天竺五曰北天竺地各數千里城邑數百南天竺際大海北天竺

距雪山四周有山爲壁南面一谷通爲國門東天竺東際大海與扶南林邑隣接但隔小海而已西天竺與罽賓波斯相

接中天竺按四天竺據四天竺之間國並有王漢時又有損毒國去長安九千八百里去都護理所二千八百里南與葱

嶺相連北與烏孫接衣服類烏孫隨水草故塞種也顏師古云捐毒即身毒身毒則天竺也塞種即釋種也蓋語音有輕

重也從月氏高附國以西南至西海東至盤起皆身毒之地身

毒有別城數百城置長有別國數十國置王雖各小異而俱

名身毒扶南傳云舍衛國隸屬天竺一伽尸國一名波羅柰國亦名波羅國柰斯國竺法維佛國記云波羅柰國在

伽維羅越國南千四百八十里釋法法盛歷國傳云其國有稍割牛其牛黑色角細長可四尺餘上一日一割不則便困病或

致死人服牛血皆老壽國人皆壽時五百歲牛壽亦等於人亦天竺屬國一都臨恒河一名迦毗梨

河靈鷲山胡語曰耆闍崛山山是青石頭似鷲鳥竺法維佛國記云在

摩竭提國南亦天竺屬國也其時皆屬月氏月氏殺其王而置將令統其

人俗脩浮圖道不殺生飲酒桓帝延嘉二年頗從南徼外來

獻時帝好神數祀浮圖老子百姓稍有奉者後至轉盛其國

人土著與月氏同而卑濕暑熱人弱於月氏魏晉代絕不復

通梁武帝天監初其王長史竺羅貢獻後魏宣武時南天竺

國遣使獻駿馬云其國出師子貂豹揮胡昆橐駝犀象有火

齊如雲母而色紫裂之則薄如蟬翼積之則如紗縠之重沓有金剛似紫石英百鍊不銷可以切玉瑋瑁金銅鐵鉛錫金

縷織成金剝白疊毳毼毼音塔 毼音登又有旃檀鬱金等香甘蔗諸
 果石蜜胡椒薑黑鹽西與大秦安息交市海中或至扶南交
 趾貿易多珊瑚珠璣琅玕俗無簿籍以齒貝為貨尤工幻化
 丈夫致敬極者舐足摩踵而致其辭家有奇樂倡伎其王與
 大臣多服錦剝王為螺髻於頂餘髮剪之使短丈夫剪髮穿
 耳垂瑠俗皆徒跣衣重白色怯於鬪戰有弓箭甲稍亦有飛
 梯地道木牛流馬之法有文字善天文算曆之術其人皆學
 悉量章書於貝多樹葉以記事隋煬帝志通西域遣裴矩應
 接西蕃諸國多有至者唯天竺不通帝以為限○大唐武德
 中其東西南北四天竺悉為中天竺國所并貞觀十五年其

王姓乞利至丑栗 切名尸羅逸多或云姓刹利氏遣使奉表二

十二年右衛率府長史王玄冊奉使天竺會尸羅逸多死國
 大亂其臣那伏帝阿羅那順自立乃發兵拒玄冊遁抵于吐
 蕃之西南以書徵隣國之兵吐蕃發精銳千二百人泥婆羅
 國發七千餘騎來赴玄冊與其副蔣師仁率二國之兵進至
 茶罽音博和羅城即中天竺之所居也連戰大破之斬首三千
 餘級赴水溺死者且萬人獲其王妃及王子等虜男女萬三
 千人牛馬三萬餘疋於是天竺響震城邑聚落降者五百八

十餘所遂俘阿羅那順以還晉宋時浮圖經云臨倪國其王

曰莫耶浮圖身服色黃髮青如青絲始莫耶夢白象始孕及
 生從母左脇出生而有髻墮地能行七步此國在天竺域天

竺又有神人名沙律昔漢哀帝元壽元年博士弟子景匡受大月氏使王使伊存口授浮圖經國口復豆者其人也徧滿塞桑門伯開疏間白間比丘桑門皆弟子號也浮圖所載與中國老子經相出入蓋昔為老子西出關過西域之天竺教胡為浮圖徒屬弟子號各有二十九不能詳載故畧之諸家紀天竺國事多錄諸僧法明道安之流傳記疑皆恠誕不經不復悉纂也已具序略注中

車離

車離後漢時通焉居沙奇城一名禮惟特一名沛隸王在天竺東南三千餘里大國也其土氣物類與天竺同別城數十皆稱王其人怯弱地東西南北方數千里人皆長八寸乘象駱駝往來隣國有寇乘象以戰

師子國

師子國東晉時通焉天竺旁國也在西海之中延袤二千餘里多出奇寶其地和適無冬夏之異五穀隨人所種不須時節其國舊無人止有鬼神有龍居之諸國商賈來共市易鬼不見其形但珍寶明其所堪價商人依價取之諸國人聞其土樂因此競至或有停住者遂成大國能馴養神師子遂以為名風俗與婆羅門同而尤敬佛法安帝義熙初遣使獻玉佛像高四尺二寸玉色潔潤形制如特殆非人功歷晉宋代在建康瓦棺寺先有徵亡載安道手制佛像五身及顧長康畫維摩詰并玉像時人謂為三絕至齊東昏遂毀玉像前截臂次取身為髮妾潘貴妃作釵釧時咸歎惜之建康卽今丹陽郡江寧縣宋文帝元嘉五年其王刹利摩訶南遣使貢獻梁武帝大通元年後王迦葉

伽羅訶梨耶亦使使貢獻杜環曰師子國亦曰新檀又曰婆羅門即南天竺也國之北人盡胡貌秋夏炎旱國之南人盡獠面四時霖雨從此始有佛法寺舍人皆僮耳布裹腰

高附

高附後漢時通焉在大月氏西南亦大國也其俗似天竺而

弱易復善賈販內富於財所屬無常天竺蜀賓安息三國強

即得之弱則失之後漢史云先未嘗屬月氏前漢書以為五

得高附翁許及反

大秦

大秦一名犁鞞軒居言反一云前漢時犁鞞國也後漢時始通焉其國在西

海之西亦云海西國其王理安都城宮室皆以水精為柱從

條支西度海曲萬里去長安蓋四萬里其地平正人居星布

其地東西南北各數千里有四百餘城小國役屬者數十西

有大海海西有遲散城王城有官曹簿領而文字習胡人皆

髦頭而衣文繡亦有白蓋小車旌旗之屬及十里一亭三十

里一候一如中州地多師子遮害行旅不百餘人持兵器輒

為所食其王無常人皆簡立賢者有災異及風雨不時輒廢

而更立受放者無怨其人長大平正有類中國故謂之大秦

或云本中國人也土有駭雞犀把朴子云通天犀有一白理如綆者以盛米置羣鷄中欲

啄米至輒驚去故南人名為駭鷄也合會諸香煎其汁以為蘇合土多金銀奇

寶夜光璧明月珠琥珀琉璃神龜白馬朱髦瑋瑁玄熊赤螭

璧毒鼠大貝車渠廣雅云車渠石似玉馬腦廣雅云馬腦石似玉寶出西海有養

者似狗多力獷惡寶藏宗反北附膚小邑有羊羔自然生於

土中候其欲萌築墻院之恐為獸所食也其臍與地連割之

絕則死擊物驚之乃驚鳴遂絕逐水草無羣又有木難出翅

鳥口中結沫所成碧色珠也土人珍之曹子建詩云珊瑚間木難有幻人

能額上為炎燼手中作江湖舉足而珠玉自墮開口則旃毼

亂出前漢武帝時遣使至安息安息獻犁軒幻人二皆感有

織成細布言用水羊毛名曰海西布出細布作毳毼毼毼

帳之屬其色又鮮於海東諸國所作也又常利得中國縑素

解以為胡綾紺紋數與安息諸胡交市於海中西南漲海中

可七八百里行到珊瑚洲水底有盤石珊瑚生其上大秦人

常乘大船載鐵網令水工没先入視之可下網乃下初生白

而漸漸似苗坼甲曆一歲許出網目間變作黃色支格交錯

高極三四尺大者圍尺餘二年色乃赤好後沒視之知可採

便以鐵鈔發其根乃以索繫網使人於船上絞車舉出還國

理截恣意所作若失時不舉便蠹敗其王常欲通使於漢塗

經大海亂客往來皆齎三歲糧是以至者稀桓帝延嘉初大

秦王安敦遣使自日南徼外獻象牙犀角瑇瑁始乃通焉其

所表貢並無珍異疑傳者隱之至晉武帝太康中其王遣使

貢獻或云其國西有弱水流沙近西王母所處幾於日所入

也外國圖云從隅巨北有國北名大秦其種長大身丈五六尺杜環經行記云拂菻國在苦國西隔山數千里亦曰大秦其人顏色紅白男子悉着素衣婦人皆服珠錦好飲酒尚乾餅多淫巧善織絡或有倖在諸國守死不改鄉風琉璃妙者天下莫比王城方八十里四面境土各數千里勝兵約有百萬常與大食相禦西枕西海南枕南海北接可薩突厥西海中有市客主同和我往則彼去彼來則我歸賣者陳之於前買者酬之於後皆以其直置諸物傍待領直然後收物名曰鬼市又聞西有女國感水而生又云摩隣國在秋薩羅國西南渡大磧行二千里至其國其人黑其俗曠少米麥無草木馬食乾魚人食鵲若鵲莽即波斯棗也瘴癘特甚諸國陸行之所經山胡則一種法有數般有大食法有大秦法有尋尋法其尋尋蒸報於諸夷狄中最甚當食不語其大食法者以弟子親戚而作判典縱有微過不至相累不食猪狗驢馬等肉不拜國王父母之尊不信鬼神祀天而已其俗每七日假不買賣不出納唯飲酒謔浪終日其大秦善醫眼及痢或未病先見或開腦出蟲

小人

小人在大秦之南軀纔三尺其耕稼之時懼鶴所食大秦每衛助之小人竭其珍以酬報

軒渠

軒渠其國多九色鳥青口綠頸紫翼紅膺紺頂丹足碧身紺背玄尾亦名九尾鳥亦名錦鳳其青多紅少謂之繡鸞常從弱水西來或云是西王母之禽也其國幣貨同三童國也

三童

三童在軒渠國西南千里人皆眼有三睛珠或有四舌者能為一種聲亦能俱語常貨多用蕉越犀象作金幣率效國王之面亦效王后之面若丈夫交易則用國王之面王死則更

鑄已上三國與大秦隣接故附之

澤散

澤散魏時聞焉屬大秦其理在海中央北至驢分水行半歲風疾時一月到最與安息城谷相近西南詣大秦都不知里數

驢分

驢分魏時聞焉屬大秦其理去大秦都二千里從驢分城西之大秦度海飛橋長二百四十里發海道西南繞海道直南行至焉

堅昆

堅昆魏時聞焉在康居西勝兵二萬人隨水草畜牧多貂有好馬

呼得

呼得魏時聞焉在葱嶺北烏孫西北康居東北勝兵萬餘人隨水草畜牧出好馬亦多貂

丁令

丁令魏時聞焉在康居北勝兵六萬人隨畜牧出名鼠皮白子青昆子皮此上三國堅昆中央俱去匈奴單于庭安習水七千里南至車師六國五千里西南去康居界二千里西去康居王理八千里或以為此丁令即匈奴北丁令也而此丁

今在烏孫西似其種別也又匈奴北有屈射國有隔昆國有新犁國明北之南自復有丁令非烏孫西丁令也烏孫長老言北丁令有馬腦國其人聲音似鴈鶩從膝以上身至頭人也膝以下生毛馬腦馬蹄不騎馬而走疾於馬勇健敢戰

短人

短人魏時聞焉在康居西北男女皆長三尺人衆甚多去奄蔡諸國甚遠康居長老傳聞嘗有商旅行北方迷惑失道而到斯國中甚多真珠夜光明月珠見者不知名此國號言以意商度此國去康居可萬餘里突厥本末記云突厥窟北馬三尺亦有一尺者頭少毛髮若羊胞之狀突厥呼為羊胞頭國其傍無他種類相侵俗無寇盜但有大鳥高七八尺常伺

短人啄而食之短人皆持弓矢以為
按此亦在西北即魏略云短人國是也

波斯

波斯後魏時通焉在達曷水之西都宿利城後周史云蘇利城隋史云蘇蘭

城記錄音訛其實一也有河經其城中南流即條支之故地也大月氏

之別種其先有波斯匿王其子孫以王父字為氏因為國號焉王姓波斯戶十餘萬東去中國萬餘里西去海數百里東南去穆國四千餘里西北去拂菻四千五百里有樓觀屋宇佛寺城西十五里有土山山周迴高大其勢連接甚遠中有鷲鳥噉羊土人極以為患其王坐金羊座戴金花冠衣錦袍織成帔飾以真珠寶物其俗丈夫剪髮戴白皮帽貫頭衫兩

肩近下開之并布巾帔緣以織成婦人服大衫帔仍貫五色珠絡之於膊王卽位以後擇諸子內賢者密書其名封之於庫諸子及大臣皆莫之知也王死衆乃共發書視之其封內有名者卽立以爲王餘子各出就邊任兄弟更不相見也國人號王曰醫疇才割反妃曰陟率王之諸子曰殺野其刑法重罪懸諸竿射而殺之次則繫獄新王立乃釋之賦稅准地輸銀錢事大神天神婚合不擇尊卑於諸夷之中最爲醜穢死者多棄屍於山一月理服城外有人別居唯知喪葬之事號爲不淨人若入城市搖鈴自別以六月爲歲首氣候暑熱家自藏冰其地多砂磧引水溉灌其五穀及禽獸與中夏略同

唯無稻及黍土出名馬及駝富室至有數千頭者出家師子多良犬有大鳥形如橐駝有兩翼飛而不能高食草與肉亦能噉人有大鳥卵真珠頗梨珊瑚琉璃馬腦水精瑟瑟金銀鍮石金剛火齊銅錫鑛鐵朱砂水銀錦疊細布氍毹毼毼護那越諾布金縷織成赤麀皮薰陸鬱金蘇合青木等香胡椒萆撥石蜜千年棗香附子訶梨勒無食子鹽綠雌黃又有優鉢曇花鮮華可愛地有鹹池孝明帝時及西魏末並貢方物突厥不能至其國亦羈縻之隋大業中亦遣使來大唐貞觀二十一年其國屬獻理耨地形類鼠而色青身長八九寸能入穴取鼠杜環記云自被大食滅至天寶末已百餘年矣

悅般

悅般後魏時通焉在烏孫西北其先匈奴北單于之部落也
 為漢車騎將軍竇憲所逐北單于度金微山西走康居其羸
 弱不能去者住龜茲北地方數千里衆可二十餘萬涼州人
 猶謂之單于王其風俗言語似高車而其人清潔倣胡俗翦
 髮齊眉以餽餉塗之昱昱然光澤日三澡漱然後飲食其國
 南界有火山山傍石皆焦鎔流地數十里乃凝堅人取以為
 藥即石流黃也太武真君九年遣使朝獻并送幻人稱能割
 人喉脉令斷擊人頭令骨陷皆血出淋漓或數升或盈斗以
 草藥內其口中令嚙咽之須臾血止養瘡一月復常又無痕
 癥太武乃取死罪因試之皆驗云中國諸名山
 使人受其術而厚遇之

有此草乃

伏盧尼

伏盧尼後魏時通焉理伏盧尼城在波斯國西北有大河南
 流中有鳥其形似人亦有如橐駝馬者皆有翼常居水中出
 水便死城北有云尸山出銀珊瑚虎魄多師子焉

朱俱波

朱俱波後魏時通焉亦名諸居槃國漢子合國也今并有之
 漢西夜蒲犁依耐得若四國之地在于闐國西千餘里其西
 至渴槃國南至女國三千里北至踈勒九百里東至葱嶺二

百里其王本踈勒國人魏略西戎傳曰宣武永平中朱居槃西夜并屬踈勒國遣使朝貢其人言語與于闐相似其間小異人貌多同華夏亦類踈勒○大唐武德以後亦頻遣使朝貢矣

渴槃陀

渴槃陀後魏時通焉亦名漢陀國亦名渴羅陀國理葱嶺中在朱俱波國西至護密國其南至懸度山無定界北至踈勒國界西北至判汗國其王本踈勒人累代相承以居此國有戶二千餘懸度山在國西南四百里懸度者石山也谿谷不通以繩索相引而度其間四百里中往往有棧道因以為名今按懸度葱嶺迤邐相屬郵置所絕道阻且長故行人由之

莫能分別然法顯宋雲所經即懸度山也又有頭痛山在國

西南向剌賓歷大頭痛小頭痛之山赤土身熱之阪宋唐異物志云

大頭痛小頭痛山皆在渠搜之東踈勒之西經之者身熱頭痛夏不可行行則致死唯冬可行尚嘔吐山有毒藥氣之所

為也冬乃枯歇故可行也其葱嶺俗號極疑山今按葱嶺周環其國衣服

人貌語音與于闐相似其間多有異者書與婆羅門同國中

咸事佛人山居勁健雜人多而胡少有音樂兵器有甲稍弓

刀稍音朔國法殺人劫賊者死餘征罰其稅雜輸之服飾婚姻

同踈勒王坐人牀死者埋殯七日為孝太武帝大延三年朝

獻於後不絕

栗弋

粟弋後魏通焉在葱嶺大國一名粟特一名特狗夢出好馬
牛羊蒲萄諸果出美蒲萄酒其土地水美故也出大禾高丈
餘子如胡豆在安息北五千里附庸小國四百餘城太武帝
時遣使朝獻

阿鈎羗

阿鈎羗後魏通焉在莎車西南國西有懸度山其間四百里
中往往有棧道下臨不測之深人行以繩索相持而度土有
五穀諸果市用錢爲貨居止立宮室有兵器

副貨

副貨後魏通焉東至阿富使且國西至沒誰國中間去千里

南有連山不知名北至奇沙國相去千五百里宜五穀蒲葦
唯有駝騾國王有黃金殿下有金駝七頭各高三尺孝文
帝時其王遣使來貢

疊伏羅

疊伏羅後魏通焉去代三萬一千里國中有勿悉城城北有
疆奇水西流有白象土宜五穀宣武帝時遣使獻方物

賒彌

賒彌後魏時聞焉在波斯之南山居不信佛法專事諸神亦
附嚱嚩東有鉢羅勒國路嶮緣鐵鑠而度下不見底後魏遣
使宋雲等竟不能達

石國

石國隋時通焉居於藥殺水都柘折城方千餘里本漢大宛北鄙之之地東與北至西突厥界西至波臘國界西南至康居界南至率都沙那國界王姓石國城之東南立屋置座於中正月六日七月十五日以王父母燒餘之骨金甕盛之置于床上巡遶而行散以花香雜果王率臣下設祭焉禮終王與夫人出就別帳臣下以次列坐而饗宴有粟麥多良馬南去鑛音撥汗六百里東南去瓜州六千里大業五年大唐貞觀八年並遣使朝貢杜環經行記云其國城一名緒支一名大宛天寶中鎮西節度使高仙芝擒其王及妻子歸京師國中有二水一名真珠河一名質河並西北流土地平敞多果實出好犬良馬又云碎葉國從安西西北千

餘里有教達嶺嶺南是大唐北界嶺北是突厥騎施南界西南至葱嶺二千餘里其水嶺南流者盡過中國而歸東海嶺北流者盡經胡境而入北海又北行數日度雪海其海在山中春夏常雨雪故曰雪海中細道傍往往有水孔嵌突萬仞轉墮者莫知所在教達嶺北行千餘里至碎葉川其川東頭有熱海茲地寒而不凍故曰熱海又有碎葉城天寶七年北庭節度使王正見簿伐城壁摧毀邑居零落昔交河公主所居止之處建大雲寺猶存其川西接石國約長千餘里川中有異姓部落有異姓突厥各有兵馬數萬城堡間雜日尋于戈凡是農人皆擐甲冑專相虜掠以為奴婢其川西頭有城名曰怛邏斯石國人鎮即天寶十年高仙芝軍敗之地從此至西海以來自三月至九月天無雲雨皆以雪水種田宜大麥小麥稻禾豌豆畢豆飲蒲萄酒麩酒醋乳

女國

女國隋時通焉在葱嶺之南其國代以女為國王王姓蘇毗女王之夫號為金聚不知政事國內丈夫唯以征伐為務山

上為城方五六里人有萬家王居九層之樓侍女數百人五日一聽朝復有小女王共理國政其俗貴婦人輕丈夫而姓不妬忌男女皆以彩色塗面一日之內或數度變改之男子皆被髮婦人辮髮而縈之其王死若無女嗣位國人乃調斂金錢得數百萬還於死王之族買女而立之其地五男三女貴女子賤丈夫婦人為吏職男子為軍士女子貴者則多有侍男男子不得有侍女雖賤庶之女盡為家長有數夫焉生子皆從母姓氣候多寒以射獵為業出鍬石朱砂麝香里及牛駿馬蜀馬尤多鹽常將鹽向天竺與販其利數倍亦數與天竺及党項戰爭其女王死國中貴人剥取皮以金屑和

骨肉置於瓶內而埋之經一年又以其皮納於鐵器理之俗事阿脩羅神開皇中遣使來貢

吐火羅

吐火羅一名土壑宜後魏時吐呼羅國也隨時通焉都忝嶺西五百里在烏許河南即媯水也與挹怛雜居勝兵十萬人皆習戰俗奉佛多男少婦人故兄弟通室婦人五夫則首飾戴五角十夫戴十角男子無兄弟者則與他人結為昆季方始得妻不然終身無婦矣生子屬其長兄被服文字與于闐略同城北有頗梨山南崖穴中有神馬國人每牧馬於其側時產名駒皆汗血焉其北界則漢時大宛之地南去曹國千

七百里東去瓜州六千七百里大業中遣使來貢大唐初屬西突厥高宗末徵初遣使獻大鳥高七尺其色玄足如駝鼓翅而行日三百里能噉鐵夷俗謂為駝鳥龍朔元年吐火羅置州縣使王名遠進西域圖記并請于闐以西波斯以東十六國分置都督府及州八十縣一百軍府百二十六仍於吐火羅國立碑以紀聖德帝從之

劫國

劫國隋時聞焉在葱嶺中西與南俱與賒彌國界接西北至挹怛國去長安萬二千里有戶數萬氣候熱有稻麥粟豆羊馬出洛沙青黛婚姻同突厥死亡棄於山大唐武德二年遣

使貢寶帶金鑲頗梨水精盃各一頗梨四百九十牧大者如棗小者如酸棗

陀羅伊羅

陀羅伊羅隋時聞焉在烏荼國北大雪山坡上緣梯登山接七百梯方到其國

越底延

越底延國隋時聞焉理辛頭河北南至婆羅門國三千里西北至賒彌國千餘里東北至瓜州五千四百里其王婆羅門種類戶數萬有弓矢刀稍皮甲國法不殺人重罪流輕者杖國無課稅其俗事佛書同婆羅門王及庶人剪髮衣錦袍不

開縫貧者衣白疊婦人為髻衣裙衫帔長巾俗清潔氣候溫
多稻有羊馬多牛出鎡石訶黎勒石蜜麀皮細鹽

大食

大食大唐永徽中遣使朝貢云其國在波斯之西或云初有
波斯胡人若有神助得刀殺人因招附諸胡有胡人十一來
據次第摩首受化為王此後眾漸歸附遂滅波斯又破拂菻
及婆羅門城所當無敵兵衆有四十二萬有國以來三十四
年矣初王已死次傳第一摩首者今王即是第三其王姓大
食其國男夫鼻大而長瘦黑多鬚鬢以婆羅門女人端麗亦
有文學與波斯不同出駝馬驢騾羖羊等土多砂石不堪耕

種無五穀惟食駝象等肉破波斯拂菻始有米麵敬事天神
又云其王常遣人乘船將衣糧入海經涉八年未極西岸於
海中見一方石石上有樹枝赤葉青樹上總生小兒長六七
寸見人不語而皆能笑動其手脚頭著樹枝人摘取入手即

乾黑其使得一枝還今在大食王處

杜環經行記云一名亞
俱羅其大食王號暮門

都此處其土女瓌偉長大表裳鮮潔容止閑麗女子出門必
擁蔽其面無問貴賤一日五時禮天食肉作齋以殺生為功
德繫銀帶佩銀刀斷飲酒禁音樂人相爭者不至歐擊又有
禮堂容數萬人每七日王出禮拜登高座為眾說法曰人生
甚難天道不易姦非劫竊細行謾言安已危人欺貧虐賤有
一於此罪莫大焉凡有征戰為敵所戮必得生天殺其敵人
獲福無量率土稟化從之如流法唯從寬葬唯從儉郭郭之
內墾闢之中天地所生無物不有四方輻輳萬貨豐賤錦繡
珠貝滿於市肆駝馬驢騾充於街巷刻石蜜為廬舍有似中
國寶舉每至節日將獻貴人琉璃器皿鎡石瓶鉢蓋不可算

數粳米白麵不異中華其果有扁桃又千年棗其蔓菁根大如斗而圓味甚美餘菜亦與諸國同蒲萄大者如鷄子香油貴者有二一名耶塞漫一名沒因女甲反師香草貴者有二一名杏塞塞蒲孔反一名梨蘆荻綾絹機杼金銀匠畫匠漢匠起作畫者京兆人樊淑劉泚織絡者河東人樂隈呂禮又以橐駝駕車其馬俗云西海濱龍與馬交所產也腹肚小脚腕長善者日走千里其駝小而緊背有孤峯良者日馳千里又有駝鳥高四尺以上脚似駝蹄頸項勝得人騎行五六里其卵大如三升又有薺樹實如夏棗堪作油食除瘴其氣侯溫土地無冰雪人多瘧痢一年之內十中五死今吞滅四五十國皆為所役屬多分其兵鎮守其境盡於西海焉又云朱祿國在亞梅國西南七百餘里胡姓朱者茲土人也其城方百四十里南北百八十里村柵連接樹木交映四面合圍總是流沙南有大河流入其境分渠數百溉灌一川其土沃饒其人淨潔墻宇高厚市鄽平正木既雕刻土亦繪畫又有細軟疊布羔羊皮裘佑其上者直銀錢數百果有紅桃白捺樹曰黃李瓜大者名尋支十餘人食一顆輒足越瓜長四尺以上菜有蔓菁蘿蔔長葱蒜葱芒薑胡芹葛藍軍達苗香英薤瓢蘆尤多蒲萄又有黃牛野馬水鴨石雞其俗以五月為歲

首每歲以畫缸相獻有打毬節鞦韆節其大食東道使鎮於此從此至西海以來大食波斯雜居止其俗禮天不食自死肉及宿肉以香油塗髮又云苦國在大食西界周迴數千里造屋兼瓦壘石為壁米穀殊賤有大川東流入亞俱羅商客糶此糶彼往來相繼人多魁梧衣常寬大有似儒服其苦國有五節度有兵馬一萬以上北接可薩突厥可薩北又有突厥足似牛魏徵論曰自古開遠夷通絕域必因宏放之主皆起好事之臣張騫鑿空於前班超投筆於後或結之以重寶或懾之以利劍投驅萬死之地以立一朝之功皆猶主尚來遠之名臣徇輕生之節是知上之所好下必有甚焉者矣煬帝規模宏侈掩吞秦漢裴矩方進西域圖記以蕩其心故萬乘親出玉門關置伊吾且末郡而關右暨於流沙騷然無聊生矣古哲王之制方五千里務安諸夏不事要荒豈威不

能加德不能被蓋不以四夷勞中國不以無用害有用也是
以秦戍五嶺漢事三邊或道殣相繼或戶口減半隋室恃其
強盛亦狼狽於青海此皆一人失其道故億兆罹其毒也

通典卷第一百九十三

